



Pou Piblikasyon Imedya: 09/05/2023

GOUVÈNÈ KATHY HOCHUL

GOUVÈNÈ HOCHUL METE AKSAN SOU SIPÒ SAN PARÈY POU EDIKASYON NAN BIDJÈ ANE FISKAL 2024 LA, KI ENKLI 34.5 MILYA DOLA A NAN ÈD POU LEKÒL

Ogmantasyon Èd Lekòl pase nan 3 milya dola, pi wo nivo èd Eta a nan listwa, Èd Fondasyon ki totalman finanse

Ogmantasyon 150 milyon dola nan prematènèl

134 milyon dola nan aksè elaji ak manje lekòl gratis

Elaji opòtinite edikatif ak 22 lòt lekòl endepandan

Envestisman istorik pou Transfòmasyon SUNY ak Bezwén Estratejik CUNY yo

Gouvènè Kathy Hochul jodi a te mete aksan sou finansman edikasyon istorik ki enkli nan Bidjè Ane Fiskal 2024 la, ki gen ladan yon rekò 34.5 milya dola nan Èd Lekòl total pou ane eskolè 2023-2024 la, sa ki make pi wo nivo èd eta ki te janm genyen. Gouvènè Hochul te rejwenn elèv k ap patisipe nan yon pwogram apre lekòl ki konsentre sou STEM lan.

Kèk ane ki sot pase yo te ekstrèmman difisil pou elèv nou yo, epi kounye a nou bezwen bay kominote nou yo resous yo bezwen pou yo reyisi. **Gouvènè Hochul te deklare.** "Bidjè sa a pran mezi transfòmatif pou kenbe pitit nou yo sou wout pou yo reyisi. Elèv nou yo kenbe kle pou avni briyan New York la, epi envestisman nou an nan edikasyon se asire ke avni an pi briyan pase avan."

Envestisman transfòmatif ki enkli nan Bidjè a pou sipòte lekòl yo genyen ladan yo:

- Yon 34.5 milya dola istorik nan Èd Lekòl total yo, pi wo nivo èd Eta nan listwa. Sa gen ladan 24 milya dola pou Èd Fondasyon—yon ogmantasyon 2.6 milya dola pa rapò ak ane pase—pou respekte pwomès Gouvènè Hochul la pou finanse totalman Èd Fondasyon pou premye fwa nan listwa. New York kontinye bay plis finansman edikasyon pou chak elèv nan nasyon an.

- Finansman sa a pral pèmèt kèk lokalite diminye taks sou pwopriyete pou fanmi yo, anplis l ap ede bay chak timoun nan New York zouti pou yo reyisi atravè yon bon jan kalite edikasyon.
- 150 milyon dola pou elaji pwogram bon jan kalite pre-kindègadenn bay 20,000 timoun atravè Eta a, sa ki fè envestisman total anyèl pre-kindègadenn Eta a pase a plis pase 1.2 milya dola.
- 134 milyon dola nan fon Eta a pou ankouraje lekòl piblik ak lekòl prive ki gen revni fèb ki kalifye yo pou yo patisipe nan pwogram Pwovizyon Elijibilite Kominotè federal la, ki pèmèt tout elèv ki nan lekòl sa yo manje dejene ak dine san okenn frè.
- 20 milyon dola pou finansman Lekòl Segondè pou Inivèsite Antisipe (Early College High School, ECHS) ak Chemen Teknoloji nan Lekòl Segondè ki Ofri Kou Inivèsitè Antisipe (Pathways in Technology Early College High School, P-TECH) pou pèmèt elèv yo jwenn kredi inivèsité nan lekòl segondè, bay priyorite ak etidyan yo ki nan distri lekòl ki gen anpil bezwen yo.
- 10 milyon dola pou kreye yon filyè mendèv solid soti nan lekòl segondè rive nan inivèsite. Finansman an ap disponib pou distri eskolè yo, konsèy sèvis pedagojik koperatif (board of cooperative educational services, BOCES), ak kolèj kominotè pou devlope plan mendèv estratejik ki ankouraje preparasyon pou travay.
- 2.5 milyon dola pou Depatman Edikasyon Eta a etidye ak konsevwa yon nouvo metodoloji pou fikse tarif yo pou rasyonalize ak amelyore rapidite tarif ekolaj yo pou lekòl edikasyon espesyal yo. Finansman sa a pral ede asire founisè edikasyon espesyal yo ka kontinye bay bon jan kalite sèvis pou elèv ki gen andikap yo.
- Re-emisyon 22 lekòl endepandan ke yo te pibliye okòmansman bay lekòl endepandan yo ki te fèmen depi lè sa a. Sa pral pèmèt yon lòt 14 lekòl endepandan ouvri nan Vil New York ak uit lekòl endepandan nan rès eta a, sa k ap elaji opòtinite edikasyonèl pou elèv yo ak paran yo.
- Sipò san parèy pou Inivèsite Eta New York (State University of New York, SUNY) ak Inivèsite Vil New York (City University of New York, CUNY), ki gen ladan 2.4 milya dola nan nouvo finansman pou pwojè kapital SUNY ak CUNY ak 256 milyon dola nan nouvo èd jeneral ki renouvlab pou fonksyònman kanpis SUNY ke Eta opere (163 milyon dola) ak kolèj segondè CUNY (93 milyon dola).

Senatè Eta Patricia Canzoneri-Fitzpatrick, te deklare, "Yon envestisman nan timoun nou yo se yon envestisman nan avni nou, epi mwen kontan ke pòsyon sa a nan bidjè a proyorize edikasyon pa yo. Finansman konplè èd fondasyon an entegral pou bay elèv yo resous ki nesesè pou garanti siksè akademik pa yo epi elaji aksè ak manje gratis nan lekòl se yon etap enpòtan pou satisfè bezwen elèv nou yo. Finansman sa a pral enpòtan nan pran swen bezwen akademik, fizik, ak sosyal pwochen jenerasyon elèv nou yo, bay yo konpetans ak resous ki nesesè pou avanse yo nan karyè solid k ap pwospere nan avni pa yo."

Manm Asanble Michaelle Solages te deklare, "Lè nou envesti nan edikasyon timoun nou yo gras ak finansman eta ki ogmante, nou non sèlman asire avni yo, men nou tou redwi fado taks sou pwopriyete yo sou fanmi yo. Edikasyon se baz pwogrè, epi li lè pou nou prioyize li kòm yon responsablite kolektif pou benefis tout moun. Nan travay ak Gouvènè nou an Kathy Hochul, n ap envesti nan kominate nou yo nan Long Island."

Prezidan ak Direktè Egzekitif Jeneral Asosyasyon Long Island Ian, Matt Cohen, te deklare, "Pa gen pi gwo envertisman pase timoun nou yo, epi lè nou finanse edikasyon pou timoun yo ka pwospere, Eta New York reyalize tou objektif pou diminye fado sou kontribiyab pwopriyete yo. Nou bat bravo pou inisyativ Gouvènè Hochul ak lejislati a nan alafwa lekòl K-12 ak nan edikasyon siperyè pou envesti nan pwochen jenerasyon nou an, sipòte fanmi yo, epi asire timoun yo pare pou mendèv alavni an."

Direktè Egzekitif Asosyasyon Konsèy Lekòl Nassau-Suffolk la, Bob Vecchio, te deklare "Nou vle remèsyé Gouvènè Hochul ak Lejislati Eta New York la paske yo te akonpli pwomès pou finanse totalman fòmil èd fondasyon an pou lekòl eta New York yo. Nou remèsyé tou Gouvènè a ak lejislati a pou plis envertisman nan pwogram UPK yo, inisyativ sante mantal, ak yon gwo premye etap pou inisyativ Healthy School Meals (Repa Lekòl an Sante) pou tout elèv Eta New York yo. Nou pare tou pou travay avèk Gouvènè a pou rafine ak mete ajou fòmil èd fondasyon an pou asire ke li kontinye akonpli pwomès Eta a pou bay tout elèv yo nan tout kominate atravè Eta New York yon bon edikasyon debaz. Demografik ak demann sou sa yo bay nan lekòl piblik nou yo te chanje dramatikman depi fòmil sa a te premye adopte an 2007. Nou pare tou pou nou travay avèk Gouvènè a pou n gade soulajman manda pou distri lokal nou yo kòm yon lòt mwayer pou redwi depans edikasyon nan Eta New York. Konsèy Edikasyon elie lokal nou yo la pou kontinye bay lidèchip ki nesesè pou kontinye transfòme sistèm edikasyon piblik nou an pou satisfè bezwen elèv nou yo pou mendèv demen an."

Prezidan Konsèy Sipè-entandan Lekòl Konte Nassau a, Dominick Palma, te deklare, "Bidjè Eta ane sa a bay yon nivo èd san parèy pou lekòl atravè Eta New York yo. Mwen bat bravo pou konsantreasyon sou finansman totalman Èd Fondasyon, sa k ap agrandi kalifikasyon pou pwogram dejene ak dine a, agrandi prematènèl, sante mantal elèv yo, edikasyon espesyal, ak edikasyon karyè ak edikasyon teknik. Ogmantasyon istorik nan èd la pral pèmèt anpil distri atravè rejjyon nou an kenbe oswa aplike nouvo pwogram ak sèvis ki sipòte kwasans ak siksè elèv yo nan tout nivo. Mwen remèsyé Gouvènè Hochul ak lejislatè Eta New York nou yo pou sipò kontinyèl yo nan edikasyon piblik."

Sipè-entandan Distri Lekòl Elmont lan, Doktè Kenneth Rosner, te deklare, "Distri Lekòl Elementè Elmont lan ta renmen remèsyé Gouvènè Hochul pou angajman li anvè edikasyon piblik nan Eta NY. Finansman konplè Èd Fondasyon an pral pèmèt distri lekòl nou an kontinye bay pwogramasyon wo nivo pou tout elèv nou yo, pandan y ap diminye fado taks la pou fanmi yo nan kominate nou an. Nou fyè de travay n ap fè pou edike "tout timoun", epi nou pa ka tann patenarya kontinyèl ak Gouvènè nou an."

Prezidan Komisyon Edikasyon Distri Lekòl Elmont lan, Michael A. Jaime, te deklare, "Nan non inivèsitè Elmont yo ak entelektyèl yo atravè Long Island lan, mwen eksprime rekonesans mwen anvè Gouvènè Hochul ak administrasyon li an pou angajman yo genyen pou finanse Èd Fondasyon an konplètman. Konsantre renouvel sou enpòtans edikasyon piblik la pral gen yon enpak pozitif sou lavi anpil inivèsitè yo epi amelyore pèspektiv ekonomik eta a."

Direktris lekòl Dutch Avenue an, Cynthia Qasim, te deklare, "Mwen apresye sipò Gouvènè Hochul nan Edikasyon Piblik ak agrandisman Fondasyon Èd. Pwogram yo kreye yon filyè pou elèv mwen yo vin enjenyè, syantis, ak matematisyen alavni. Devlope konpetans fondamantal ki nesesè yo dwe kòmanse nan nivo elementè, kote elèv yo ka eksploré diferan konsèp epi konstwi konesans debaz ki pral ede devlope konpetans yo, pou yo vin pansè ak inovatè epi prepare yo pou travay ki poko egziste."

Khloe Gajadhar, etidyan nan Lekòl Dutch Avenue an, te deklare, "Yo dwe bay elèv yo opòtinite pou yo patisipe nan klib tankou Enpresyon 3D, Dròn, ak Wobotik LEGO. Aktivite yo defye sèvo a, epi nou te kapab konprann ki jan bagay yo fonksyone! Patisipe nan pwogram STEAM pèmèt mwen menm ak kamarad mwen yo eksploré enjenyeri epi reflechi sou travay nan domèn nan."

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)